

# Alodelendonu Nuplonwe Opli Gbezant po Lizonyizon po Ton

7-13 DÉCEMBRE

NUHQAKUÉ LÉ SON OHÓ JIWHEYEWHE TON  
MÉ | LEVITIKU 10-11

“Yiwanna Jehovah Hú Whendo Towe”

it-1-F 1203 huk. 13

He Ma Yin Alokeyi

Avónunina po Nuyonwan He Ma Yin Alokeyi

**Po.** To Levitiku 10:1 mè, hogbe Heblugbe ton lò zar (hogbe asi lò wé za·rah'; he zémedo nue yè ma jéakó hé) yin yiyizan nado dlénalo-do ‘avónunina he ma yin alokeyi, yèdò ehe Jiwheyewhe ma degbe eton’ bø visunnu Aalon ton lè Nadabi po Abihu po bayi hlan Jehovah, ehe wutu ewo yí miyón do hù yé. (Le 10:2; Sôf 3:4; 26:61) Enégodo wé Jehovah døna Aalon dømø: “Hié ma dona nù ovèn kavi ahàn sinyen devo de, yèdò hié po visunnu tote lè po, to whenue mì ja góhø opli ton lò mè, na mì nikaa kú. Oséndoai tegbè ton de wé e yin sòn whendo de ji jé whendo de ji. Ehe na do vogbingbon hia to onú wiwe po nuhe yin hin-henflu po şenşen podø to onú mawé po onú wiwe po şenşen, podø nado pløn Islaelivi lè nunojhinnusén he Jehovah ko na yé gbon Mose gblamé lepo.” (Le 10:8-11) E taidi dø ahàn wé Nadabi po Abihu po nùmú, bø ené sisé yé nado mè avónunina he Jiwheyewhe ma degbe eton. Avónunina lò ma yin alokeyi, vlavo na ojlé he mè yé mè en te, fie yé mè en te kavi lehe yé mè en do ma sogbe; e gán sò yindo nuyonwan he ma bë nuyizan voovo he go Ek-sodusi 30:34, 35 donù lè hën wé yé mè. Ahàn he yé nùmú ma suwhena ylando yeton.

w11 15/7 31 huk. 16

Be Hié Ko Biø Gbojé Jiwheyewhe Ton mè Ya?

<sup>16</sup> Aalon, yèdò mèdaho Mose ton pehé ninomé sinyen de he gando awe to visunnu eton lè mè go. Pón nuhe na ko yin numotolanmè eton

to whenue visunnu eton Nadabi po Abihu po mèn nuyonwan he ma sogbe hé osén to Jehovah nukon bø Jehovah hù yé. Na nugbo ton, okú yeton sánkanna haşinşan yeton hé mejito yeton lè. Şigba whého lò ma ko fó do finé. Jehovah døna Aalon po visunnu nugbono eton lè po dømø: “Mì jo oda ota miton ton do wòwò blo, mò mì sò tlén avò miton lè [to awubla mè] blo; na mì ni ma do kú gba, podø na [Jehovah] ma na yin homégblo po agun lò lepo po.” (Lev. 10:1-6) Nuhe dø wefø lò te honwun. Owanyi miton na Jehovah døna sinyen hugan dehe mí tindo na hagbè whendo ton miton he ma gboşı nugbono-yinyin mè na Jehovah lè.

**Onú Sisosiso Gbigbomé Ton Lé**

w14 15/11 17 huk. 18

**Mí Dona Yin Wiwe to Waloyizan Miton Lépo Mè**

<sup>18</sup> Nado yin wiwe, mí dona nò yí sòwhiwhe do pløn Owe-wiwe lè bo nò wà nuhe Jiwheyewhe biø to mí si. Lennupondo visunnu Aalon ton Nadabi po Abihu po ji, he yin hùhù to whenue yé na “miyón alopa de” kavi basi avónunina he ma yin alokeyi de, vlavo na yé nùahànmú wutu. (Lev. 10:1, 2) Todin, pón nuhe Jiwheyewhe døna Aalon bødego to **Levitiku 10:8-11** mè. (**Hia.**) Be kandai lò to didohia dø mí ma dona nùahàn sinyen depope whépo do yì opli Klistiani ton lè wé ya? Lennupondo nuagokun ehele ji: Mí ma tin to Osén ené glo. (Lom. 10:4) To otò delep mè, yisenø hatø miton lè nò nùahàn sinyen *do jlekaji* to nûdûdù whenu whépo do nò yì opli lè. Kofø ené he mè ovèn te wé yin yiyizan to Juwayi whenu. To whenue Jesu to hùnwé Oflin okú eton ton zedai, e degbena apósteli eton lè nado nù ovèn he nöténa ohùn eton. (Mat. 26:27) Biblu gblewhédo ahànnunu zejlego po ahànnumu po. (1 Kof. 6:10; 1 Tim. 3:8) Podø, ayihadawhènamènu Klistiani susu ton sogan whàn yé ma nado

nó nùahàn sinsinyen depope whépo do tindo mahé to sínshénzón wiwe wunmè depope mé. Etomóso, ninomé lè nò gbónvo són otò de mé jé devo mé, podó nujonu lò wé yindó Klistiani lè dona “[yón vogbingbón to onú wiwe lò] po onú vótó lò po şenşen” nado sògan nò yinuwa to alihó wiwe he nò hén homéhun Jiwheyewhe mé.

## it-1-F 124 huk. 6

### Kanlin Lé

Méhe to Osén Mose tòn glo lè kédé wé yé degbena ma nado nò dù kanlin delé, na Islaelivi lè wé Jiwheyewhe na anademé he to Levitiku 11:8 mé, bo dò dò: “Onú mawé de wé yé yin na mì.” Amó, avósinsan Klisti Jesu tòn zéhudo Osén Mose tòn ji, podó whladopo dogo gbéto-vi lèpo wé vò mlénlémlé nado dù kanlin depope dile Jiwheyewhe degbe etòn na Noa to Singigó lò godo do.—Kol 2:13-17; Jen 9:3, 4.

## AWUWIWLENA LIZONYIZÓN KUNNUDEGBE TÒN

w11 15/2 12

### Kanbió lè són Wehiatò lè Dè

To whenue yéwhenoduta lò yin zizedai na sínshénzón to gòhotúntún mé godo tlolo, Jehovah hù Nadabi po Abihu po na yé mén nuyonwan he ma sògbe to Jiwheyewhe nukon wutu. (Lev. 10:1, 2) Mose degbena visunnu Aalòn tòn he pò to ogbè lè ma nado blawu na nòvisunu yetòn he kú lè. E ma dèn to enégodó bò Mose gblehomé do Eleazali po Itamali po go na yé ma dù gbogboé avónunina ylando tòn lò. (Lev. 9:3) Naegbón Mose yinuwa domó?

Osén he Jehovah na Mose lè dohia dò yéwhenó he basi avósinsan ylando tòn de dona dù són e mé to awánu gòhó opli tòn lò tòn mé. Ehe wiwà nò dohia dò ylando mèhe na avónunina lò tòn lè ko yin jijona. Sigba, eyin apadewhe ohùn kanlin he yé do sanvó lò tòn de yin hinhen bió Fiwiwe lò, yèdó abò tintan

góhó lò tòn mé, avónunina lò ma dona yin dùdù; kakatimó, e dona yin fifio.—Lev. 6:24-26, 30.

E taidi dò to nujijo ajiji azán ené gbé tòn lè godo, Mose módo emi dona hén én diun dò gbedide Jehovah tòn lèpo yin hihodo. To whenue Mose módo gbogboé avónunina ylando tòn lò yin fifio, homégle e bò e kanse Eleazali po Itamali po dò naegbón yé ma dù i dile e yin bibio do, na ohùn etòn ma ko yin hinhen yì Jehovah nukon to Fiwiwe lò mé wutu.—Lev. 10:17, 18.

Aalòn wé na gblondo na kanbió Mose tòn, na e taidi dò yéwhenó he pò to ogbè lò yinuwa sògbe hé gbedide etòn. Na okú visunnu Aalòn tòn awe lò lè tòn wutu, e sògan ko to nuhà vlavo eyin ewo po ovi etòn lè po tindo ayihadawhénaménu dagbe nado dù són avónunina ylando tòn lò mé to azán ené gbé. E sògan ko lèndó Jehovah na gblehomé do yé go eyin yé dù són e mé, dile etlé yindó yé ma tindo mahé tloló to nuşıwa Nadabi po Abihu po tòn mé.—Lev. 10:19.

Na taun tòn, Aalòn sògan ko lèndó to azán he gbé hagbè whéndo etòn tòn lè na hén azongban yéwhenó tòn yetòn di te *whla tintan*, yé dona ko yinuwa po sòwhiwhé po tlala nado hén homé Jiwheyewhe tòn hùn etlé yin to onú pévi pete lè mé. Sigba, Nadabi po Abihu po könmasin do oyín Jehovah tòn go, podó homégle Jiwheyewhe tòn wá yé ji. Enéwutu Aalòn sògan ko lèndó hagbè whéndo yéwhenó tòn he mé ylando mònkokton yin wiwà te lè tòn ma dona tindo mahé to avónunina wiwe de mé.

E taidi dò Mose kéaloyi gblondo mèdaho etòn tòn na wefó godo tòn lò dómó: “Whenuena Mose sè ehe, e yin homéhun dagbedagbe to nukun etòn mé.” (Lev. 10:20) E honwun dò, Jehovah lösü kéaloyi gblondo Aalòn tòn.

## 14-20 DÉCEMBRE

### NUHQAKUÉ LÉ SÓN OHÓ JIWHEYEWHE TÓN MÉ | LEVITIKU 12-13

**“Nuhe Osén He Gando Pòzòn Go Plon Mi”**

**wp18.1 7**

**Biblu Ko Dohó Wé Kavi E Nø Dø Nulé Jenukòn?**

- **Awutunø lè kinklandovo**

Osén Mose tòn dohia dø mèhe to pòzòn jè lè dona nø yin kinklandovo. Amó, to azòn bëplamè he wá aimè to ojlé nukunmahun tòn mè lè whenu wé doto lè wá jè anademè ehe hodo ji, bø ehe gbé yón-na-yizan kakajé din.—Levitiku weta 13 po 14 po.

**wp16.4 9 huk. 1**

**Be Hiè Yonen Ya?**

Ju hohowhenu tòn lè nø dibuna pòzòn wunmè he gbètø lè nø jè to ojlé Biblu tòn mè. Azòn ylankan enè nø dù agbasakàn lè bo nø doapà mègo bosø nø hén agbasa gble namè. Pongbo depope ma tin na azòn enè. Kakatimo, mèhe bø azòn enè lè nø yin kinklandovo bo dona to awhádo dø emi yin mawé.—Levitiku 13:45, 46.

**it-2-F 128 huk. 2**

**Pòzòn**

**Awù po ohò po.** Pòzòn gán bëpla awù kanlin-fún tòn, alavø tòn kavi nuyizan ayú tòn de. Yè gán yàn awù kavi nuyizan lò bø e na busè; eyin etlé yinmø, nue go pòzòn lò te dona yin zize whlá na azán delé. Amó, eyin nulø gbé tindø sinmè koklo-jonø po amamú tòn po kavi taidi nue hlá ohùn, yè dona fiø e, na pòzòn sinsinyen wé. (Le 13:47-59) Eyin ohia sinmè koklo-jonø po amamú tòn po kavi vè sòawuhia to ohò de go, yewhenø na degbe dø yè ni sú ohò lò na azán delé. E gán biø dø yè ni de zannu he pòzòn lò bëpla lè sè bo whlé ohò lò mè, podø zannu he pòzòn bëpla lè gona okò he yin whiwhlé lò lè dona yin bibè dlan gbonu tòdaho lò tòn do nötèn mawé de. Eyin ohia pò-

zòn lò tòn gbé sò wá, yewhenø na degbe dø ohò lò yin mawé bø yè na hò e liai, enégodo yè dona bø nuhe to ohò lò go lè yì nötèn mawé de. Amó, eyin yewhenø degbe dø ohò he go pòzòn te de ko lèzun wiwe, yè dona basi avósinsan nado lè ohò lò wé. (Le 14:33-57) Mèdele lèndø owhà funfùn wunmè de wé yin pòzòn he nø bëpla awù po ohò lè po; amó nudope ma dohia dø enè yin nugbo.

**Onú Sisosiso Gbigbomè Tòn Le**

**w04 15/5 23 huk. 2**

**Nuagokun lè sòn Owe Levitiku Tòn Mé**

**12:2, 5—Naegbòn bø vijiji nø hén yonnu de lèzun “mawé”?** Nugonu vijiji tòn lè yin bibasi nado hén ogbè pipé gbètøvi tòn wá. Sigba, na nugandomègo ylando tòn he mí dugu etòn lè wutu, ogbè mape po ylando tòn po wé yin hinhenwa na kúnkan gbètøvi lè tòn. ‘Mawenøyinyin’ ojlé gli tòn he nø bødo vijiji po ninomè devo lè taidi, lajiè podø kùnkùn vísìn tòn po go, nø flinnumè gando gududu ylando tòn ehe go. (Levitiku 15:16-24; Psalm 51:5; Lomunu lè 5:12) Tito klòwé tòn tin nado goalona Islaelivi lè nado monukunnujèemè dø avósinsan ofligo tòn yin onú titengbe nado şinyonnnudo ylando-nø-yinyin gbètøvi lè tòn bo gò yé do pipé kòn. Gbònmø dali, Osén lèzun ‘mèplontø kavi anademètø nado hén yé wá Klisti dè.’—Galatianu lè 3:24.

**wp18.1 7**

**Biblu Ko Dohó Wé Kavi E Nø Dø Nulé Jenukòn?**

- **Whenue yè dona gboadà.**

Osén Jiwheyewhe tòn dohia dø yè dona gboadà na viyeyø sunnu de to azán şinatòntø gbè. (Levitiku 12:3) To whenue viyeyø de yin jiji, osé dopo godo wé agbasa etòn nø penugo nado yawu doalotena hùndidi. To ojlé Biblu tòn mè, whenue nukunpedomego dotozónwiwa tòn yoyø lè ma ko tin, bibio dø yè ni nöte na osé dopo linlán whépo do gboadà yin hihò de.

**21-27 DÉCEMBRE**

**NUHQAKUÉ LÉ SÓN OHÓ JIWHEYEWHE TÓN  
MÉ | LEVITIKU 14-15**

**“Mí Dona Yin Wiwe”**

**it-1-F 258 huk. 1**

**Awulilé**

Gbónvona awulilé paa, Osén ló bió to Islaelivi lè si dò yé nisò nò lawu to ninomé taun-taun delé mé. Delé to ninomé ló lè mé die: Eyiñ mède jé pòzòn bo gò jegangan, eyin mède sin agbasa jé nuhe go mèhe “onú mawé sà jegbonu són” de doalo, eyin vísín sà jegbonu són sunnu de go, eyin yönna de to ojlé lajije tón mè kavi to hündi, podó eyin mède tindo kón-dopo zanhémé tón. Ninomé enelé nò hen mèlo zun “mawé” bò e dona lawu. (Le 14:8, 9; 15: 4-27) Eyiñ mède to gòhò he mè mèkukú de te kavi doalo mèkukú de go, mèlo nò lèzun “mawé” bo dona yin kiklówe po osin klówe tón po. Eyiñ mède ma setonuna anademé ehe, e “dona yin sinsánse són pipli ló mè, na e ko hen fiwiwe Jehovah tón flu wutu.” (Soh 19:20) Abajo, hogbe ló lè “kló” kavi “lawu” do nò yin yiyan to yehiadonu-liho nado dohia dò mède tindo teninò dagbe to Jehovah nukòn. (Slm 26:6; 73:13; Isa 1:16; Eze 16:9) Ohó nugbo Jehovah tón, ehe osin nötena, yiyí do lawu tindo huhlón nado klomé wé.—Efe 5:26.

**it-2-F 753 huk. 8**

**Lajije**

Yonnu de sò nò yin pinponhlan di mawé “eyin ewò to hündi zè ojlé lajije tón etón go” kavi to hündi to aliho he ma sogbe mè. To ojlé ené mè, nudepopo he ji e mlòn kavi sin, gona mèdepope he doalo onú enelé go nò lèzun mawé. Whenue ojlé hündidi tón ené wá vivonu, azán şinawé godo wé yonnu ló nò lèzun wiwe. To azán şinatòntò gbè, yonnu ló nò hen owhlé awe kavi awhànnévu awe wá yéwhenò dè, na e nido basi ovèsè do ota etón mè. Yéwhenò nò

yí dopo to kanlin ehelé mè do bayi avónunina ylando tón hlan Jehovah podó awetò taidi avónunina mimè.—Le 15:19-30; pón PUR, PURETÉ.

**it-2-F 141 huk. 9**

**Fiwiwe**

**2. Gòhò opli tón, podó templi to godo mè.** Nötén ló blebu, he bé awánu gòhotuntún ló tón po awánu templi ló tón lè po hen wé yin nötén wiwe de. (Eks 38:24; 2Ot 29:5; Ow 21:28) Onú tangan he nò awánu ló lè wé agbà avósinsan tón po basia gànvêt tón ló po. Onú wiwe wé nuyizan ehele. Mèdepope he yin wiwe sogbe hé Osén wé gán bió awánu gòhotuntún ló tón mè to whedepopenu; podó, mèdepope he yin mawé ma gán bió awánu templi ló tón lè mè. Di apajlé, eyin yönna de to ojlé mawé tón mè, e ma gán doalo onú wiwe depope go kavi wá fiwiwe ló. (Le 12:2-4) Etlé taidi dò eyin Islaelivi lè gboşı nigomé mawé tón mè na ojlé dindén, ené lòsu nò yin pinponhlan taidi nue gán hen gòhotuntún ló flu. (Le 15:31) Pòtòno he jegangan bo hen avónunina wá nado kló ede wé ma nò dasá hongbo awánu ló tón po avósinsan etón po. (Le 14:11) Mèdepope he yin mawé ma gán dù avósinsan jijoho tón to gòhotuntún mè kavi to templi mè, na e nikaa yin hùhù.—Le 7:20, 21.

**Onú Sisosiso Gbigbomé Tón Le**

**it-2-F 453 huk. 5**

**Otó**

To whenue yéwhenoduta yin didoai to Islaeli, Jehovah degbena Mose nado yí són ohùn agbò aşé-ninamé tón ló mè bo yí i do otó adusi Aalón po visunnu etón lè po tón go, podó do alo adusi po afò adusi yetón po ji. Ehe to didohia dò nujijo ló tindo kanşa tlolö hé nuhe yé na nò sè, nuhe yé na nò wá po aliho he mè yé na nò yinuwa te po. (Le 8:22-24) Mòdopolò, na nue dù pòtòno he jegangan bo to yinyin kiklówe, Osén ló bió dò yéwhenò ni yí són ohùn

agbò he yin nina taidi avónunina whéhuhu tòn mè, podò sòn amì he yin nina lò mè bo yí do otó adusi pòtqo lò tòn go. (Le 14:14, 17, 25, 28) Onú mònko de wé sò nò yin bibayi to whe-nue sunnu de desòn ojlo mè nado to afanumé yin na kluñò etòn soyi. To whenenu, afanumé lò nò yin pinplan wá dòtin ohòn tòn kòn bò kluñò etòn nò yí nútónnú de do tòn otó na en. Ohia he to otó etòn go bò mèlépo gán mò ehe nò dohia dò afanumé lò jlo na to tonusena kluñò etòn zonmii.—Eks 21:5, 6.

#### **g-F 1/06 14, apotin**

**Be Owhà Fùnfùn Nò Wà Dagbe Wé Ya, Kavi E Nò Hènnugble?**

#### **TO OJLÉ BIBLU TÒN MÈ**

Biblu dohia dò ‘pòzòn gán bẹpla ohò de.’ (Levitiku 14:34-48) Mèdelè dò dò azòn ehe, he sò nò yin yiylodò ‘pòzòn sinsinyen’ yin owhà fún-fún wunmè de, amó nudepope ma dohia dò ené yin nugbo. Depope he whého lò yin, Osén Jiwheyewhe tòn biò dò whéto lè ni de zannu he pòzòn bẹpla lè sè, whlé ohò lò mè pete bo bẹ nudepope he pòzòn gán ko bẹpla yì gbonu tòdaho lò tòn do ‘nötén mawé de.’ Eyin pòzòn lò sò wá sòawuhia, yéwheno nò lá dò ohò lò blebu wé yin mawé, bò yè nò hó e liai bo nò bẹ nue to e go lèpo dlan. Jehovah na anademé gigó ehele na e yiwanna omé etòn lè taun bo jlo dò yé ni nò dagbe to agbasa mè.

## **28 DÉCEMBRE-3 JANVIER**

### **NUHQAKUÉ LÉ SÒN OHÓ JIWHEYEWHE TÒN MÈ | LEVITIKU 16-17**

**“Nuhe Azán Ovèsè Tòn Plòn Mí”**

#### **w19.11 21 huk. 4**

**Nuplönmè Delé sòn Owe Levitiku Tòn Mè**

**<sup>4</sup> Hia Levitiku 16:12, 13.** Yí nukun homé tòn do pón lehe nulé nò yì do to Azán Ovèsè tòn gbè: Yéwheno daho lò nò biò gòhotúntún lò mè. Ehe wé tintan to whla atòn he e nò biò Fiwiwe

Gbaugbau lò to azán ené gbè lè mè. E nò hèn nuhénnú he mè nuyonwan owán gblingblinnò tin te de do alò dopo mè, bo nò hèn miyon-hénnú sika tòn he mè akán miyonawu gó de do alò awetò mè. E nò nòte vude to homé-gbòvò he to hontonu Fiwiwe Gbaugbau lò tòn nukòn. Po sisi sisosiso po, e nò biò Fiwiwe Gbaugbau lò bo nò site to apotin alenu tòn lò nukòn. To yéhiadonu-liho, Jehovah Jiwheyewhe nukòn wé ewò nòte te! Todin, yéwheno lò nò yí sòwhiwe do kòn nuyonwan wiwe lò do akán miyonawu lò lè ji, podò ohò lò mè nò gó na owán gblingblin. Enegodo, e nò gó biò Fiwiwe Gbaugbau lò po ohùn avónunina ylando tòn lè tòn po. Doayi e go dò e nò mè nuyonwan lò **whépo** do nò yí ohùn avónunina ylando tòn lò do sanvò.

#### **w19.11 21 huk. 5**

**Nuplönmè Delé sòn Owe Levitiku Tòn Mè**

**<sup>5</sup> Etewé nuyonwan yiyan to Azán Ovèsè tòn gbè sògan plòn mí? Biblu dohia dò odè sin-sèn-basitò nugbono Jehovah tòn he nò yin alókéyi lè tòn taidi nuyonwan.** (Salm. 141:2; Osò. 5:8) Flindò, po sisi sisosiso po wé yéwheno daho lò nò hèn nuyonwan lò wá Jehovah nukòn. To aliho dopolo mè, whenue mí to dèho hlan Jehovah, mí nò wàmò po sisi sisosiso po. Mí nò tindo budisi na ewò. Mí nò yón piñpen etòn taun dò Didato wéké lò tòn na mí dotènmè nado dònsepò ewò pékipéki taidi otó de po ovi etòn po. (Jak. 4:8) Ewò yí mí di honton etòn lè! (Salm. 25:14) Mí yón piñpen lèblanu-lókéyi ehe tòn sòmò bò mí ma na jlo gbede nado hèn ewò jeflume.

#### **w19.11 21 huk. 6**

**Nuplönmè Delé sòn Owe Levitiku Tòn Mè**

**<sup>6</sup> Flindò yéwheno daho lò dona mè nuyonwan lò **whépo** do sògan basi avósinsan lò lè. Gbom-mò dali, e nò hèn en diun dò emi na tindo nukundagbe Jiwheyewhe tòn whenue emi to avósinsan lò lè basi.** Etewé mí sògan plòn sòn

ené mè? Whenue Jesu to aigba ji, whépo ewo nido sogan yí ogbè eton do sanvò, e biò dò ewo ni wà onú titengbe de, yèdò nude he yin nujonu hugan gbètovi lè whinwhlèngán. Etewé yin nulò? Ewò dona hèn tenogligo bosò yin nugbonò to gbèzan eton blebu mè, na Jehovah nido kèaloyi avósinsan eton. Gbònmos dali, Jesu na dohia dò nulè wiwà dile Jehovah jlo do wè yin aliho gbèninò tòn he sògbe lò. Jesu na suwhèna nupojipetò-yinyin Otó eton tòn, kavi dohia dò aliho gandudu tòn eton wè yón bosò sògbe.

## Onú Sisosiso Gbigbomé Tòn Lè

it-1-F 242 huk. 3

Azazeli

Apósteli Paulu dohia dò Jesu yí ogbè pipé eton do sanvò na ylando gbètovi lè tòn bo hèn ale susu wá na yé hú “ohùn oyìnsú lè tòn podò gbògbòe lè tòn.” (Heb 10:4, 11, 12) Taidi gbògbòe Azazeli tòn he nò bë ylando Islaelivi lè tòn yì, Jesu ‘bë awutu mítòn lè yì’ bò “yè sònú in na sénhengba mítòn wutu.” (Isa 53:4, 5; Mt 8:17; 1Pi 2:24) Ewò bë ylando gbètovi he do

yise hia to avósinsan eton mè lèpo tòn yì. Jesu dohia dò ojlo Jiwheyewhe tòn wè nado súnshún ylando sè mlènmlèn. Enewutu, gbògbòe Azazeli tòn nöténa avósinsan Jesu Klisti tòn.

## w14 15/11 10 huk. 10

<sup>10</sup> **Hia Levitiku 17:10.** Jehovah degbena Islaelivi lè ma nado nò dù ‘ohùn wunmè depope.’ E yin bibio to Klistiani lè lòsu si nado nò nòla na ohùn, yèdò ohùn gbètò po kanlin po tòn. (Owalò 15:28, 29) Mí nò dibusi Jiwheyewhe, na mí yönèn dò ewo sogan ‘ze nukun eton do mí ji’ bo sán mí sè sòn omè eton lè şenşen. Mí yi-wanna en bo jlo na setonuna en. Etlé yin to whenue mí pehé nuhahun he nò ze ogbè mítòn do owù mè lè, mí nò magbe ma nado joawuna nubiòtomèsi po nuzedonukònname mèhe ma yón Jehovah bo masò jlo na setonuna en lè tòn po. Na mí nò nòla na ohùn wutu, mí yönèn dò gbètò lè na şàn mí ko, etomoşo mí nò de nado yin tonusetò na Jiwheyewhe. (Juda 17, 18) Pöndohlan tewé mí dona tindo gando whèho ehe go, ehe na nò góalona mí nado ‘payi’ ma nado dù ohùn kavi do e do lan-mè?—Deut. 12:23.



